



## **Aningaasaqarnermut Akileraartarnermullu Naalakkersuisoq**

**Ulloq:** 22. marts 2018  
**J.nr.:** 01.31.06/18-00796

### **Aningaasaqarnermut Akileraartarnermullu Ataatsimiititaliap pingasunngornermi ulloq 21. marts 2018-imi aalajangiineranik Naalakkersuisunut ilisimatitsineq.**

**Ilassutitut aningaasaliissutissanut qinnuteqaatit Pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersup atortuulersinneqarnissaanut, aamma ingerlatsinerneq aningaasaliissutissat suliffeqarfiit nemID-qarnerat NETS aqqutigalugu pillugu isumaqatigiissuteqarnissaq. - Suliaq nr. 01.31.06/18 - 00796.**

”Naalakkersuisut inassutigaa,

kontumi pingaarnermi 40.98.01 Digitaliseeriinermut Aqutsisoqarfik aningaasaliissutit qaffanneqassasut 1.380.000 kr.-inik, aamma kontumi pingaarnermi 20.11.50 Ingerlatsinerneq sillimmatit apparneqassasut 1.380.000 kr.-inik”

### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Ulloq 13. marts qinersinissap nalunaarutigineqarneranut atatillugu Inatsisartunut ilaasortanut, partiit allatseqarfiinut aammalu Inatsisartut Allattoqarfiannut piffissami qinersinissap nalunaarutigineqarnerata Inatsisartunullu qinersinerup ingerlanneqarnissaata akornanniittumi Inatsisartut sulinerat eqqarsaatigalugu ulluinnarni pissutsit atuuttussat Inatsisartut Siulittaasuata nalunaarutigisai ataatsimiititaliamit innersuussutigineqarput. Siulittaasup ilaatigut nalunaarutigaa:

*”Qinersinissap nalunaarutigineqarneratigut Inatsisartut pisarnertut ingerlajunnaarput.*

*Tamanna aamma atuuppoq ataatsimiititaliami sulinerneq. Taamaattumillu tunngaviatigut qinersinissap tungaanut ataatsimiititaliami sulineq ingerlanneqassanngilaq.*


*Aningaasaqarnermut Ataatsimiititaliamut tunngatillugu pissutsit immikkut ittut atuupput, tassa aningaasaliissuteqarnissamik suliassat naalakkersuinerneq tunngasumik imaqqanngitsut kisimik ataatsimiititaliamit suliarineqarsinnaammata, taakku inuiaqatigiit ingerlanneqarnerat eqqarsaatigalugu kinguartinneqarsinnaanngippata, tamannalu ataatsimiititaliamii tamarmiusumit isumaqatiginneqarpat. ”*

### **Aningaasaqarnermut Akileraartarnermullu ataatsimiititaliap aalajangiinera**

Siuliani allasimasatut oqaaseqaateqarluni Aningaasaqarnermut Akileraartarnermullu Ataatsimiititaliap nalunaarutigissavaa Naalakkersuisut inassuteqaataat Siulittaasoqarfiup aningaasaliissuteqarnissamik suliassanut piumasaqaataanut ataatsimiititaliap isumaa

malillugu naammassinninngimmata, taamaattumillu suliassaq siuliani taaneqartoq ataatsimiititaliamit suliarineqarsinnaanngitsutut isigineqarluni.

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua